

石雲山人詩集

石雲山人詩集卷十

閩山浙水集

辛巳壬午
癸未甲申

南海吳榮光伯榮

陳恭甫贈詩和答四首

兩年峻坂叱王尊撥盡梁洋宿霧繁正恐在梁難稱服
何期傳舍又乘軒逶遲行客方停轍問訊詩人正閉門
最喜榕城山色好重尋舊雨話粃盆

每訪城南湧鯉泉承歡山水又丹鉛一鄉早仰經神筆
萬卷誰誇學海船劖玉碧嵩今幾載網珊滄澥是何年
竭來夾袋羣才出暫讓先生作散仙

迴首中朝第一流玉清高處愧同游觚稜別後將三載

衙鼓聽餘話四休多謝雲山貽茂苑

贈我文休承畫

更煩烟雨

紀湖州

題筠清館圖

新宮衆侶遙相待好去修成五鳳樓

傳聞

聖主澤如春淮水箕津有豁縉峻權誰令此凋瘵寬輸

聊望慰吟呻

時議請緩課息

久蠲貢獻疲羸恤預戒奢華

詔令新稍喜海隅知正供催科吾本拙于人

夜夢唐陶山廉訪

仲冕

贈詩記其首句云萬花盈

手萬山開以告陶山足成七律見贈和韻答謝

摺疊芳緘盥手開好山容看好花栽繁華已悟風霜後
屬繹翻驚隴蜀來何處青雲真有路故園紅雨欲成堆
感君綵筆圖佳夢慚愧詩才與畫才

陶山夢與潘榕臯老人

奕雋

同游松局作三松圖

索詩二首

衆蒼不可躡乃在雲之扃明明三松樹一一列仙庭春
風爾何來吹此草木馨此境兩人知上有千歲苓而君
更精進直造窺英靈絳宮十二級吾舉黃庭經

吾夢萬花山君攜九節杖同是未來因胡作現在想但

劖蒼苔痕爲各誌行緬君方抱山雲澤遍淮海上何處
公房谷未可壻鄉訪且待夢重來松老衆山響

辛巳文闈

堂前奎壁正輝煌都道今宵選佛場儘許公門添後輩
誰從人鏡借餘光屏山夜氣榆催曙閩水秋風橘有香
蠟炬如龍袍似鵲初心回首重茫茫

辛巳武闈

走馬兼旬試省臺閩山今夕榜花開風雲虎拜初元會
弓矢鷹揚一代才誰聽鼓鼙思將帥且從星斗論筐魁

諸生莫笑書生劣會扈

先皇校射來

題朱竹君學士

筠

三百三十有三士亭圖卷

凍雨乍歇池波平四面蕉碧筠斯清九仙山椒有佳氣
照耀三百三十三雲英亭兮石兮四十載誰其作者朱
先生盤陀老人

文正相國

弟繼兄此石有主文有衡各以中

天景慶色發此東海風濤聲至今爲石與爲士一一皆
可徵其名况復後死好事者介如歷落尋吾盟避炎每
謂清可友

軒名

育德孰是蒙求亭

齋名

我侍盤陀逾八載硌

碣之下難爲爭其始也難合則久自信吾道無異營老
夫耄矣言在耳囑我守此長硜硜余始與朱文正公論
事不合及公疾革余
往嗣公有老夫耄矣無能爲
也汝其勉之三語爲之感泣風流雲散忽到此我石爾
石心同傾吁嗟乎我石爾石心同傾但見衆礫羅列點
首來相迎

自題賦梅圖四首

圖繪于二十有
五歲今年五十

已覺年華一倍多梅花相笑奈吾何廣平相業千秋事

石墨功名手自摩

章桐門相國
贈宋廣平碑

廿年家住近

天闢慣踏牆隈夜月痕恰與冷官堪自證含章賄不至
臣門

年來奔逐又風塵漢水閭山幾度春他日

九重如責問臣今不及賦花人

時將入
覲

看到花辰五十時回頭雙鬢感如絲心腸鐵石依然在
但少蜂房絕妙詞

潘芝軒尚書師石琢堂前輩家謫人庶子

信中

先

後得請歸里家棣華觀察

廷琛

人都過吳門會

飲賦詩四人皆第一名進上皆吳人二首

第一春風四照花神仙高會醉流霞門墻共仰尙書履

楚蜀重論使者槎人棟華簞節蓉裳同永夕棗甘蘭潔

有隣家時師正侍養侵尋十九年前事里巷都傳好歲華

奎壁光芒照好春春筵狼籍墨痕新百花頭上論衣鉢

四榜中間敘主賓後輩喜依前輩座出山何似在山身

十旬遲我重相訪羨絕門前掃雪人

春程十二首

君恩載得滿春程南顧邊陲篤促行已慰就瞻勞

晝接又將車馬戒晨征五千客路甌閩遠百二韶光燕

雋更深感

臨軒親計日到時須及月重盈

上問抵閩日期
謹對以約需兩月

一點遙青指岱宗憑鞍先爲紀行蹤
星羅碁布春秋國水繞山環南北衝
地接河淮收衆泮天連薊苑走羣峯
春旗

輦路頻回首知在燕關第幾重

時
園甫回鑾
上春

逶迤嶽色帶河聲幾許人文幾代英
雲鳥尙傳郊子國詩書終憶獻王城
姓名陵谷留羊祜徵角君臣有晏嬰
多事春風與懷古今人前望感平生

塵埃野馬息相吹吹到勞人鬢有絲柳色廿年新陌路
杏花三月舊村籬長途傳舍東西熟大野風霜少壯知
爲問天涯此芳草相逢青過幾多時

密雲竟夕釀春寒老屋孤燈一榻安信宿漫勞賢主館
倭遲原慣旅人餐已聞供億衝途困更念租庸比戶難
今日東南論財賦有人先作漏卮看

程問原方伯祖洛
書至極言山東州

縣虧
累

沂州北望送崔嵬快意蒼茫四野開青到峒嵒山色盡
碧通淮海水聲來撈蝦淺渚春簫足驅犢平原午饁催

多謝昨宵連旦雨麥雲如膏浪如醅

三月廿六日得雨

才越山郵又水郵清淮東畔買扁舟金堤竹絡誰開濟
粟挽芻飛快溯游二瀆匯流千古績衆湖歸壑幾人修

永安潭外花如錦父老猶傳按部籌

謂斬文襄公

金焦雙簇樹離離如鏡波心晚棹移六代江山餘北固
五湖烟雨葬西施歌殘絃管迷樓歇說到英雄很石知
怊悵二分邗上月夜來偏照水仙祠

第一泉過第二泉雙篷終日起茶烟春江鐵甕城邊路
夜雨金閶郭外船沙戶數家芳草岸山塘七里綠楊天

南中師友重相訪爲話鴻泥已十年

晤桐門相國芝軒尚書兩先生暨宋

悅硯侍郎鎔陳雲伯大令及門朱湘帆國淳高月槎鳳臺方芭堂諸子

好風吹到浙西涯問訊湖山興又賒花雨香連三竺近

柳烟青帶六橋斜聽潮最憶鷗鵬浪見月重懷橘柚家

却笑東塗西抹老猶煩人認舊皇華

楊杭有老役指子爲當年主考能作

詩寫字者

富春江水接灘河姑蔑墟南靜不波一篙雲烟千里合

四圍風雨萬山過諸公衮衮霜威肅上治蒸蒸海氣和

他日歸來如慰問

君恩多倍鬢華多

曉策仙霞最上層蕭然天際感行膺
看山只問蒼生雨飲水同持屬吏冰
九海有人資灌溉五溪照我本鮮澄
鳳池多少青雲客準備論文半夜鐙

余莞聞嵯日率衆商捐設鳳池書院

始終經理者爲陳恭甫侍御主講則趙穀士太史在田也

仙霞嶺追和周櫟園先生

亮工

韻四首

攬盡東南千百峯峯峯都作碧芙蓉
求仙未暇窺爐簪問俗先欣聽野春
日出幾家紅雨跡春歸一徑白雲蹤
山農喜報秣稗熟書到豐年筆未慵

南去峇峩第一途僧雛憐我漫相扶開山事往誰徵史
飲水人來却姓吳遠溯洞天云卅六近通帝座豈虛無
松根丹竈今何在冲曉惟聞一鶴孤

瀑飛巖靜日初長四面水簾茗具張憐爾在山泉水潔
問誰初地雨花香龍潭衆泝歸前浦羊牯諸峯接下方
不信塵根清似此爲留片刻對浪浪

回憶春來曲磴通澹雲殘雪照晴隴圖開金粉三關裏
天入蒼茫半壁中過眼可曾山路熟盪胸殊愧畫才工
丹霞仙客如重到記取南飛一爪鴻

夢筆山

君筆如吾筆迢迢夢幾回
邱遲誰彩奪李白又花開
草木各生色江山須此才
此才不復見悵望暮雲來

南浦詞四首

萬古此芳草東風吹未歇
草長波又生綠到雙槳滑
盈盈盈水如羅歷歷山數
笏蹇誰別時魂奈爾離人
骨昔歲春波冷照人雙鬢
青今歲春波早照人雙鬢
老春波比春人能得幾時
好

草色碧如夢待爾歸時春
歸時草更春歸人非去人
草

色春有期人生春有涯及此歲末晏胡爲輕別離
丈夫志四海豈惜別離苦但恐英雄姿容易春光嫵春
光澹不極相送幾今古相送幾今古爲爾歌南浦

李蘭卿得石如雪浪盛以石盆仿蘇東坡盆銘製

箋求詩用東坡韻

我來閩海雲如屯海風吹出羣峯尊不知是浪定是雪
但見兀嶂開朝昏此去代北幾萬里何年攝取離堆村
怪君大星明星角徑欲再拜來叩門粵士九原傳畫水
蘇齋一老招詩魂此石何必卽彼石七百年前因與根

而君更撫百番紙衍波漱灩歸苔痕幸我攜得潁濱璧

子由二字

朱孺玉井甬朋論點頭誰說生公法用缺我如陶

者益

印缺

以君之紙印我印墨香筆法千秋存

蘭卿舍人以蘇齋圖卷索題因憶十年前拜坡公
生日于蘇齋以所得宋拓茶錄與覃溪老人所
藏天際烏雲帖同觀末章及之二首

飛鴻容易十年過回首香烟對榻多一卷匆匆雲樹影
麓臺之後又孫羅

憶對烏雲墨迹新鬪茶原是論茶人宦途笑我如輪轉

又試頭綱到八閩

調任浙臬述別四首

餐遍離枝此一行兩年何以答蒼生
催科久歎牢盆薄讀律猶慙水鏡明
已荷

主恩千竈追

余筦閩鹺會請奏准蠲緩帑息鹽課

更馴民氣九年耕東隅

日出蒸蒸化好爲涵濡致

太平

回憶東來人載驅多才袞袞騁雲衢
天涯蘭畹秋三徑客裏苔岑海一區
最感和聲求伐木偏逢識曲聽吹竽

更言十郡廉明吏執法硜硜恕我迂

送故迎新已再三山姿砢磊上交慙權衡輕重公能聽
几案周旋我未諳獲醜久難憑海外勝殘終自念漳南
明朝浙水西行路暫得秋篷一枕酣

一路供筵敘別長

游桐友前輩光繹恭甫穀士兩同年及士民等分段祖餞

鳳池回

首昨宵觴

廖侍讀鴻莖太史鴻藻林少穆觀察則徐丁郭楊三比部公餞于鳳池書院

只緣

官冷心如冰每話民羶鬢有霜折獄敢云冤雨解

余平反建

陽連才佬案鄒巡檢燮言提解屍開棺時有疾風暴雨觀者皆感歎書院始建日度地鳩工一切得陳恭甫都諫之助

相思勉爲留行看不必論功

鑄子昂

諸君子及士商欲塑余像于鳳池書院余力却之不獲已乃留小照行看一幅以爲後念

出閩境

一路籃輿撥鬱叢小竿

峯名

西接大竿

峯名

東雲收雨氣連

山白日壓霜痕到樹紅地接三關雙峽險人思九牧八

閩通建溪父老臨歧淚囑我重來萬口同

李海帆

宗傳

海上釣鼇圖

振衣絕頂御長風萬里三山一釣翁海色蒼茫此身世
仙才游戲亦英雄半鈎水國初生月百丈雲濤未斷虹
連得六鼇竿許借珊瑚紅遍大瀛東

題吳雲壑碎金卷

凡五段一百十八字

將軍轉戰焉支山短兵千里塵臯蘭伯成負才甘玉折
蕭敷艾榮奚足觀庾公之誅興公作見此張緩令人嘆
三菩提乃調心息念起卽覺誰蒲團健者如馬孰伺蹶
玉爲銜飾繡作鞍

已上帖中語

此書此語各英毅行神行氣

猶龍蟠郢州境上旅燈炯紫金山脚天風寒想其下筆
風雨快腕有芾鬼橫來干只今留此五雜組百十八字
洵琅玕巨然海壑對几勘波磔宛勝英光刊秋深氣力
此得筆此筆更證姑平安

記余前跋語

外家之懿好翰墨六

石雲山人集

卷十

百年後精神完未論信義與國篤

居父以信爲人所重見本傳

且

作文采臨池看詩成遠溯建康水但恐東樓之榻梅花殘

題梅花溪圖

萬樹梅花隔萬塵溪邊今有種花人空山落落前生慧
好月明明太古春澹對經香書宛委平添詩事酒逡巡
囑君清淺湔豪水流到人間翰墨新

松楸丙舍圖王竹嶼司馬

鳳生

爲其先人銀臺公

作

昔我官京師公歿已兩載耿耿哲人心逝將不我待惟
瞻銀臺樹凜凜見風采古人重不朽功德千秋在上可
爲郭泰下不失裴頠稽古譚有林志墓文無悔讀公雙
佩集驪珠見一珮讀公兩墓石鴻儀耀四海惜哉未竟
用宿草森歲魄遂令納壙筆奕奕有光彩作者與書者
工力不相媿而况得令子述德志無怠守之丙舍孫圖
以君家宰卽今珮雲衢終自戀靈嵬充此明發心貽名
庶無罪開卷問典型卅載

虞廷案何年使星輝疇昔卿月曜勗哉迪前光欲語吾

才餒

抱研尋詩圖

四十載游蹤相將片石從生枯雙管筆烟水一枝筇有
雪能留爪無雲不盪胸勞人余草草慚愧作書傭

黃葉林間自著書圖

如此千秋事何人肯入林歸雲依岫急落葉到門深証
以名山藏依然用世心茫茫稽古意相望惜苔岑

查賑卽事四首

扁舟江漲溯餘瀾滿眼瘡痍甫就安水毀總滋吾罪戾

天恩頻念汝飢寒親頒使若千鍾普重感斯民一飯難
最喜新晴消積潦照人紅日萬人看

痛定那堪痛後思滂洋河伯欲何爲十旬方割民生苦
三郡同安

帝力知每嘆青黃關俯仰

聞災民言水至十月不退則不能補種春花事畜無資矣

正爲焦灼已而十月初旬水退

何期蒼赤免此僞瞽瞍今日纔相慰又

費商量百堵宜

賑榜初開

德意敷家家焚頂拜來蘇漏卮每自嚴三尺中澤猶防

失一夫分宰里中煩父老

放賑皆以紳耆主之不假吏胥手

傳宣部下

追庸租

檄屬以灾分蠲緩榜示

臨軒他日勞

清問小筆能爲鄭俠圖

時予將入覲

白叟黃童滿路旁寒林小憩話耕桑共憐四月庚筐歉

預課三時午饁忙

困有人謀里社紳殷倡捐接賑

防災何術

借劬勦朝來碧浪湖邊過亟講三吳水利長

補題孫太初歸雲庵卷卽次其韻

中澤還鴻甫定飛道山何暇訪林扉前身猿鶴塵緣隔

後世烟霞石隱稀
避地似君真可數
浮名慚我尙因依
茫茫四百年遺墨
悵望雲歸人不歸

擢任黔藩留別四首

兩度除書促戒郵

聖恩仍許戀杭州
柏臺尙負澄清望
棠舍那堪蔽芾留

一載苔同憐去住

司道中先擢去者五人

十旬瓜代閱冬秋

受權浙藩

三月有餘楚山未遠黔山遠

先移楚臬旋擢黔藩

相望勞人憶舊游

何補蒼生一秩躋
勞勞送我浙雲西
重來安得如江水

欲去相煩認雪泥
哺腹稍酬今日願

災賑甫定

河渠猶待古

人稽明湖莫怪賒游興慚愧蘇隄與白隄

議濬西湖未果

汜舟賡唱記狂瀾

余查賑詩自錢塘相公以下和者甚多

重話民艱又歲

寒威到吏胥仍恐過

廉得藩臬胥吏不逞者數人置法

察周閭井但求

安何勞團扇家家畫欲蓋長裘處處難他日薇花開貴

筑一緘煩報萬人餐

曾酌錢江水一盃訟庭遙倚稷山隈天留文獻容師事

錢塘相公德清學士均曾請業

坐有賓徒說吏才

馬秋菑錢次軒拭雨前輩屠琴塢太守暨

及門黃霽青安濤朱湘帆方苞堂諸子

嘯諾少休三圍空撤塗無警百廛

開明明十萬茅檐月可憶紅燈夜午來

北行雜詩和陸劬文耀通徵君原韻八首

不住春旛臘鼓催官郵一夕看星回十二月廿九日啓行國門諸

老煩分袂中丞將軍學使織造送出國門江上羣侯更舉杯守令餞送十二里洋

南北百程爲客始由浙至京由京至黔計百日賢良三策得朋來劬文

方應沿途瑞雪沿畦麥敬告民依

黼座開

鎮日東風拂纜偏似遲吾發借留連看雲每數山吳越

話雨都忘酒聖賢余與劬文均戒飲豈有循良當臥轍父老土女送者

百餘人重憐去住一停鞭扁舟客夜清于水好寫吟懷共

擘箋

忽覺韶光到珮珂
焦先祠下浪如羅
大江一笑春方到
新月半弓寒尙多
瓜步水柔千艇集
竹西風軟六么和
燈市甚盛與君人日同爲客
青眼相望且放歌

霜鐘月柝夜微漫
送盡長途烏兔丸
憑軾陽都青草歇
攬巾沂水碧漪寒
大名諸葛鄉猶在
蒼姓琅邪漏已乾
不信與君譚近事
關中碁局幾悲歡

劭文連日譚
西安近事

手折楊枝一感予
此途煩證七驅車
勞生歲月天涯鬢
大道風塵客子裾
與汝逢春多別緒
于人何事賦離居

他年五樹能偕隱尚有門前半畝餘

曾躡峯頭萬培

步環

丁卯十月登泰山

手擎初日照烟鬟憑高

凜凜疑無地何處巖巖更有山碧盡東封開魯秩青連
南紀認吳關層雲飛鳥相將過誰見金泥玉檢頒

崗山過後快蹄輪又看蒼茫北地春幾點星辰樂陵里

一廛雞犬晏城人曾經漕淀懷前節

已巳巡漕曾經景州

若說瀛

洲愧此身

河間府有十八學士登瀛洲處

滿路飛埃風似熾倩誰爲贈

辟塵巾

不盡山吟與水吟桑乾橋畔有清音英雄道路消磨易

少壯交游感慨深
鶚薦江南方快意
馬空冀北定從心
囑君努力丹霄路
他日重逢證素襟

入廣安門

觚稜不改色
照我昔容顏
容顏日以殊
奔走誰能閒
耿耿此臣心
迢迢來

帝關感遇

兩朝恩懷祿
羣侯班凜凜
閱歲月何以答
匪頒及此愛
景光相望河
與山懷哉去
時柳春來不可攀

同懷弟彌光棧園編輯

子尙忠春卿

尙志任卿校

石雲山人詩集卷十止

石雲山人集卷十

七

石雲山人詩集卷十一

黔藩集

甲申乙酉

南海吳榮光伯榮

待漏示樞直諸子

甲申二月朔

玉漏沈沈啓

九閣外臣初度拜

君恩光分庭燎威儀肅春到鑪烟氣候溫望

闕四更新律朔對扉雙認舊巢痕

御史稽查軍機直房在門內之北

軍機章京直房在門南

可憐視草班猶在不敢簪毫到

禁門

出廣安門

六日春明似夢游廿年鴻爪尙存不杯觴錄別三春感

豪素徇知一夕留

顏程甫制府檢程晴舉侍御喬采邢竹軒暨及門陳皋蘭傳均諸子索及

拙書爲爾一夕完之同輩風雲多氣象故人珠璞幾泡漚半弓記

取長安月送我南行第一郵

定州

繭紙貞觀刻此州留幾時巧偷薛道祖精鑒尤延之俯

仰羣賢會叢殘五字碑曾模龜兔影徑欲問漕司

滹沱河

宜人天氣正中和到處炊香麥飯多行客別無懷古意
曉風晴日過滹沱

豫讓橋

嗚呼國士可以死除却智伯無知己雲淒風愴橋下水
嗚呼智伯可以生鞭衣三百讐怨明此生已勝范中行
世有知己國士見世無知己國士賤草依木附埋沒幾
英雄碧血如烟黃土變爲汝一笑無可戀漆身吞炭千
古奇百折不回誰爲之嗚呼知己究何術得人軀命乃
如斯

邯鄲

滿目飛塵沙誰鼓趙王瑟叢臺在何許釀泉空滯汨繁
華一以歇楊柳青始出城南啼飛鳥城東照初日千年
歌舞場春風任散佚芳草如有情飽瓜本無匹不見古
才人嫁爲厮養卒

美里演易臺

一闢網緼秘因重六位尋文明中古易憂患聖人心大
地自消息荒臺無昔今梅花開已過指點又春林

淇水

春風清且惠吹到猗猗竹竹淨與水光云是彼淇隩悠
悠思古人已往不可復夜雨添淪漣朝陽拆苞簇雙流
夾左右四野盡芬郁當時何所見相念德之淑亮哉終
勿諉歌詩式侯服

洧水

春風蕩以泊吹開芍藥花花前渙渙流照見好穠華大
地陽氣至百物紛誼譁東市鳴雉雉西市歸艾豸洧外
盱且樂取求無汝瑕剛詩存鄭衛聖人戒無邪爲之歌
標梅何不早宜家

岳武穆廟

一慟金牌十二來長城自壞任讐猜聲先河北全圖應
淚盡天南萬旅回雪恥中原誰復顧誅奸後代更堪哀
何時搗穴諸君酒得與將軍酹一杯

花朝

微雲與澹日相遇成今朝春風息以吹殷殷聞刀調衆
芳及桃柳一氣到蘭荇豈無相贈芍亦有專佞椒都從
此日開都爲他日凋誰與種根芽而迭爲長消愚者欲
畱春春去不可招紛紛蜂蝶忙願君愛新韶

春分

客程數流光透遲及春半而露仍淒寒山川自昏旦何
人書雪筆及此登臺觀惟聞春鳥聲曉晚在隔岸道路
阻且長風物日以換人生縱滿百五十如日晏而況春
九十四十五已判惜哉好東風故山花爛漫

隆中諸葛武侯祠同周芸皋太守

凱作

長風吹衆山四面圍空翠山深春以深云是卧龍地卧
龍夫何懷懷茲出處義主非大有爲三顧猥焉至落落
魚水契疊疊馳驅志聖賢期用世胡不委身事大名字

不
卷一
四
宙垂宏濟艱難備三分縱前定二表告後嗣可憐籌筆
驛蒼莽英雄淚以此徇所知已犧復誰懟遂令千古人
感激君臣誼不則梁父吟隆中甘獨寐先生亦既往精
神在巖邃我來拜祠下初服憬高致南陽歲月長西蜀
風雲瘁先生倘歸來草木尙幽媚

斑竹岡

在荆門州

綠雲遙遙對蒼梧湘妃夜啼烟一隅山鬼環瞰羣靈趨
此土無情送瀉虞此土有情生絲斂飛珠灑屑斑模糊
點倍萬點株萬株哀怨未絕年年蘇天荒地老淚不枯

夜月照以姮娥孤楚山楚水空踟躕西望春風亦長吁
杜鵑之血來夔巫

龍山落帽處

秋氣澄鮮龍阜峯賓僚雜遝偶相從風吹帽落尋常事
怪爾桓溫說有容

澧水

初月照烟殊草草美人去後天逾老美人遺我一佩纓
二千年來尙娟好欲將芳草問前身露怨雲悽幾度春
今宵幽夢清如水夢到波前若有人

雨

武陵道中

黑雲沈沈叫老藿
藿飛雲墮如烟亂
急霏密屑四面來
野花無力不可捍
河北遇雨水未泮
河南遇雨水及胷
南陽朝雨濕連城
荆門夜雨過清明
到此又逢月望雨
武溪三日方開晴
如霰如霧復如霽
送盡行人長短路
可憐金粉兩三峯
又作綠陰千萬樹
自從謁

帝承明廬
雨雪霏霏人載途
物換星移此朝暮
楚山黔水空模糊
其時二麥青始綴
未敢望晴恐防歲
但囑僕夫莫辭苦
歸家還爾不斂穢
今朝麥苗森以長
豆花菜

花參差香農人告我將分秧畏見霽霖沒牛箱田不能
種種者荒但願一輪紅日照爾到黔陽說與父老雨暘
時若年綏康

綠蘿峯

東風吹雨到山濃翠舞嵐飛第幾重欲問桃花源不遠
踏春人過綠蘿峯

桃花源

浪光天接武夷源爲憶漁舟一叩門山外龍蛇人歲月
洞中鷄犬汝乾坤白雲閱世無秦晉綠水環家有子孫

果否問津難再至桃花開徧笑無言

辰龍關

康熙年間破吳三桂進兵處

眾山如波濤選脊從西至高者爲龍脊下者爲龍臂紛
糾萬陂陀到此盡委積去橫看或飛赭直視各擁翠誰
爲界黔楚坐使蠻犂棄峩峩闢雄關狹巷不連騎上想
百年前

皇武奮戎轡逆孽思反側三楚妄覬覦負固連滇粵抗
稜舉烽燧我

皇赫一怒

天光瞿羣崇罷虎八旗兵鈇鉞專閫帥聲罪本無伐扼
衝必有自遂令將軍來如下飛天翅撥腐與摧糞萬里
皆平地家家雲霓蘇戶戶壺簞饋辰溪方恬晏西山自
清邃太平日月長山驛閒官吏欲問破關人大者不能
識野樹夕雲寒荒草陰燐墜叢殘千萬磴至今等垣塹
敬思天助順恃險安足備

楚俗四首

問俗經三楚吾行首郢襄流風思叔子遺恨說懷王竹
葉宜城酒名挨家有槎頭鱖魚名入市忙民勞多聚飲况乃習

公鄉

善諷遺美語吾纔得願封荆南來采訪士氣亦雍容直
諫孤臣忌微辭弟子宗荒臺雲雨冷香草正蒙茸

騷客招魂後家家禳卜行攜龜晨肆啓割蠟暮林平

子置樹上食葉釀蠟如蜂釀蜜法蠟可作燭凡有蠟之樹皆平以便于割取也樹如冬青田少溝塍

隙山多婦孺耕豐年筋力賤猶恐有飢儉

伐木爲門壁簷重禦雨宜大家操井臼小屋任喧卑白

粲論甌賣黃蘗出甕知以熟水泡芥菜入甕經宿乃黃味辛而佳我來投一

宿亦識長官儀

沅江

屈子投水處

誰人冷雨吹參差聲聲怨徹沅江湄
楚天如夢呼不知山鬼跳叫草木衰
五月五日沈湘纍湘纍一沈懷王去
西望秦關蹇誰訴鸛鵒荒巢杜宇魂
江水悠悠空日暮角黍年年祭汨羅
鮫人有淚亦悲歌蘭容椒佞荃齊怒
此日何由得渡河

何由得渡河楚人歌以弔屈子之樂

由麻溪至辰溪作

鯢生書室中年年供怪石大者如屏風
小或筍與核透卽洞天名奇作普陀釋
芥子納須彌壺公縮阡陌亦知

自欺耳取慰山水癖三春辰溪行百里開一碧處處皆
仇池山山有靈壁上矗嵐數仞下垂乳千尺峭黝各岐
嶷飛翠紛婉孌夾道豈自獻隨手可探索嗟彼青雲姿
胡爲棄在僻商量語山農幸致幽人宅農告勿戲言此
物非農惜自從有此物往往防種麥欲移汗如漿但觸
膚流赤伐之作徒矻履者怨有嘖累之作牆垣尖風生
罅隙無之以爲用有之以爲適須知轉圜妙萬古一損
益安得有力人夜半負以腋徑欲呼愚公雲烟渺無迹

野水

一雨盈溝澮春風野漲痕半篙芳草岸雙網夕陽村蛙
蛤羣分部鳬鷺偶在門憑誰疏鑿手東海待歸源

野雲

未得還山去心知出岫遙鶴容作閒侶龍許附重霄一
角霖堪足九圍風正調粵山幾千里親舍有昏朝

野月

浩浩中宵白皚皚大野明關山今古影雲樹別離情指
點千潭印蒼茫一笛聲長途人屈指已見四虧盈

野風

畏聽颼颼響吹雲雨亂翻大王尙蘋末少女自蓬門漠
漠烟沙氣青青草樹痕可憐春色好轉暖卽爲恩

野花

豈少貴人屋胡爲溪壑生于人本無妬憐汝未知名徑
僻嫌蜂蝶林寒拒燕鶯此中有姑射不肯作傾城

野鳥

偶借真機鼓天空任所投幸無文彩累不爲稻梁謀鴻
雁青雲路鴛鴦綠水洲人犧郊外語羨汝老山頭

野樹

春葉與秋杪山顛又水涯散材虛歲月老境得烟霞鬱鬱將軍坐蒼蒼處士家欲呼關董筆爲汝寫年華

野草

廿七載行蹤年年與汝逢此行最迢遞見汝愈蒙茸地角日同照天涯春正濃勞勞馬蹄迹綠已到思邛

入貴州境

玉屏峯接翠微間策馬黔南第一關萬里客途更歲月八番官舍隔雲山珠泉繡嶺相將近犵鳥蠻花取次閒七百郵程頻計日故人待認鬢毛斑

玉屏

省識維屏好南陬玉作屏城環三水綠

文水野鷄坪柴溪

山認

一峯青麥氣縱橫畝花香長短亭太平多父老共指紫薇星

征衣

歲除只一日匆匆理征衣浙人真愛我勸我緩驂騑不
則冬寒嚴莫厭狐貉加重禕我敬謝浙人溫裘大帽辭
親賓山川凜凜雪一尺送者但囑愛吾身歲轉春來此
行路雪化爲雨雨爲露回憶衝寒三千里停策春明衣

如故春風二月來春明春寒衣重催我征燕趙鄭衛及
三楚迢迢更向黔南行春風日以遠衣帶日以損南阡
北陌任橫斜衣在吾身多纏綿幾阡幾陌卸一衣阡陌
萬千衣漸稀勞勞共命此阡陌卸到吳棉衣一圍行行
喜見黔陽道黔人說我顏面好那知萬里迴頭就道時
幾閱風霜與霧潦吁嗟乎幾閱風霜與霧潦縫衣之人
一抔老春暉空泣道旁草

過七星峯

曾采沅江芷尙馨詩心迢遞夕陽亭行人不識龍標路

指點峯頭第七星

相見坡

盤桓復盤桓相遠始相見相見愈相遠黃姑織女河對
面此溪清淺非天河成橋安用烏鵲多北望有五丁煩
爾一鑿陰陽阿平填溪坳如平坻東人接踵西人過毋
使遙遙相見嗟嵯峨嵯峨日以昇東人相見未朝食
西人招東人今夕待汝同宿息我欲凌風飛諒無晨風
翼東西日日怨却變誰云相見歡誰云相見難一日數
相見相見愁盤桓盤桓復盤桓有日出險來長千萬里

歸鄉國八口供壺飧上堂再拜人曼壽此日方知相見
歡相見歡相見難山川不放人誰能及早還家安但見
巖花澗鳥相對語可惜道長且阻春漫漫

飛雲洞

何來幾千幾百石鐘乳洹成一窟老蛟據萬古陰沈人
不知定有神人逐蛟去老蛟一去洞門開漫天四壁雲
飛來九幽馳風掃腥翳六丁鑿地爲平陔此雲能飛飛
不墜石氣雲根一而二連蜷圍得十弓寬中有梵香自
幽媚其外二雲尙癡立閱世匆匆未歸次我來再拜雲

中君中供大士立像如所教住無聲聞洞前老相對我笑笑看
出岫之侶徒紛紛

牟珠洞

衆峯環烟谿一徑訪雲竇老衲雙炬導幽折隨所透空
聲蕩神魄冷氣逼襟袖九曲或蟻穿百琲豈驪授沈沈
地肺通耿耿天光漏石髮黝自媚山骨寒逾瘦何年棲
宿霏終古有懸溜迴頭春日長洞外自清晝一笑問牟
尼安得如汝壽

乙丑之冬鮑覺生宮詹視中州學朱文正師送詩

有五緯榮光接之句今年余至京姚秋農王伯

申

引之

史望之

致儼

盧容菴

浙

及覺生爲余置

酒錄別五人者皆余同年又皆曾視學中州越
月覺生和文正師前韻寄示謂五緯之句驗矣

並督余及諸君子同作勉爲奉同

有客春明來東風振卉歛駕言齊年歡常調及閃摩亦
知雲泥隔但喜文酒獵熊熊五緯明照我氣逾怯憶君

持節回前條期後脅

嘉慶丁卯覺生瓜代入都卽憶五緯句謂余當接任不意伯申竟先

也維時烏衣侶

伯申

招招先漳涉厥後姚

秋農

史

望

盧

容

一

一繁臺躡遂令二十年風塵我墮業今日欣所遇前緣
非偶愜有如五芝色燁耀逮莖葉有如五鳳翽儀采各
張噲揮手謝故人可望不可接

余充辦事翰林時文正師掌院論事頗不協嘉慶
丙寅十二月初三日師病劇余視疾牀前執手
謂余曰老夫耄矣無能爲也汝其勉之越初五
日師遽歸道山激昂知己不知涕之何從也今
日讀覺生哲人春風之句感懷往事再疊前韻
宿世豈詞人磨人謝端歛壯年學奏疏亦愧弱管摩賦

手孟堅都諫書司馬獵兩者吾豈能懷祿志方怯春至
曲蚓謳秋來寒蟬脅以此望吾道奚翅芥舟涉循循我
夫子有教等不躐始難終亦合勉我當世業長憶彌留
言猶豫不自慙而況良木萎小草亦敗葉師歸道山後
余亦去官
再起塵鞅中奔走安敢嚼灑涕問九京何言五緯接

程春海學使

恩澤

惠佳箴柔穎和韻答之

綠陰清暇駐高車鏤管頒來珍箴加最喜聚頭窺爾鼠
敢云應手渲雲霞名書村媪風雙袖好夢江郎月一沙
更乞肘方消肺渴可容八水潤焦芽學使岐
黃精深

黔靈山

山雲日夕忙不及我一憇草木正翳蒼巖壑互陰霽萬
翠環石徑一綫到雲際雲駛如奔川趑趄不停滯下視
青青者縱橫畝旣藝低者澤尙充高者陽將蕞呼雲爲
小畱憫此耕時逮出岫爾何爲詎勿念農歲鞭雷祝阿
香收風藉屏翳庶幾惠我雨毋爲守土戾松聲謾謾來
竹影蕭蕭繼迴頭語老衲此是波羅諦

登黔靈山默禱畢與寺僧約得雨後當以手書金
經爲施已而果雨寺僧責取經本遂施寺中再

疊前韻

昨從黔靈回沿林隨所憇長風浩相送颯颯氣欲霽今
望黔靈山大雲出西際百里走雷霆一息無濡滯浸淫
到衣袂披靡及樹藝猶恐分龍去莫救飛鳥焚沈沈霽
軸運黯黯輻輪逮沛然澤下尺倬彼農有歲仰觀大窮
廬鬱蒸尙餘翳老衲帶雨來責我懺往戾五千般若字
酌諾施則繼看山呼赤松

開山主者了我文字諦

和宋仁圃臬使

如林

自常德至鎮遠江行韻

楚山萬疊相歎吐亘千里到沅邛浦烟迴嵐合匝如障

川束浪飛疾于弩同是春明叱馭來我凌絕蒼君率滌
鬢影蕭蕭趁夕陽衫痕獵獵逢朝雨有時懷古發幽意
說與僕夫慰勞苦蘭葉香來有楚詞桃花開處無秦土
華妙洞天誰得僊赤髀盤瓠幾用武路人猶祭伏波祠
故壘久移諸葛鼓興酣指顧此山川山色爲飛樹爲舞
迢迢到黔城日月已如駛與君重相見許我摩詩壘君
詩如奔川我亦奮筆起感君髮未宣聽君賦灘水想當
涉險時與我爭寸咫尺日月有弦望下照亦同晷雲來各
盪胸風來各過耳相望行路難誰能左右以惟有將勞

薪一一書故紙我識一籃行君識雙蓬艤卽今種得霜

臺栢幕府依隣話心迹百歲須傾力士鎗三春莫問啼

鵲驛

君欲引退
余力畱之

君不見黔山蒼蒼黔水碧供我風分與

流擘與君脫劍訪奇才恨我高歌酒腸窄但須繼幽鑿
僻山水滋被以和聲詠我太平脈

春海餉余詹成圭曹素功及程君房紅豆林古墨

余報以金石文字四十餘種用春海往復疊黔

靈山韻再答二首

學書三十年往往自厓憇夜雨簷花明秋風屏月霽磨

墨與磨人茫昧未來際感君香雲來使我愛河滯詹也
金可漱曹也粟其藝而况紅豆林曾曝幾日焚遙遙擣
麝功四百年將逮胡爲詞林珍及我硯田歲君書如鴻
舉我書如蟬翳譬彼鷗飛捨豈若鳶飛戾祇恐手腕衰
復見齒髮繼明朝凹汁濃默默悟書諦

有墨字之筌無墨字之諦古刻二千年三代漢唐繼我
昔辭春明秦隴使車戾兩棧懷開通九嶼關荒翳重以
莅閩年及此按越歲東暨甌羅遙南亦湘衡逮龜螭感
朝露羶蠟忘晨焚耿耿思古人勲名與道藝挾之走萬

里幸未遭霖滯珍重金石質與君訂交際愧非蟬翅拓
負此虹光霽徒使試墨人鷄鶩侈清憇

程鶴樵中丞

國仁

藥洲拜石圖

米老九曜石一在廣東藩署八在學

署皆中丞
曾歷官處

衆蒼霖雨姿何年並入南漢苑南漢百年厭歌舞出爲
文人詩畫本九峯上應天星躔當年米老觀其全手題
一品歸行省八公磊砢留雲烟先生甫一拜拔拭八士
介三霄騰越得風雲萬彙欣榮滋沆瀣先生再拜來親
見九華顏爲開九牧旬宣歌樂利九能揆訪遍蒿萊英

光聚散誰能守後先都爲先生有春來隔院共岑苔月
照兩家分澗藪以石爲礪多士穀以石爲雲膏萬族胡
爲甘澍滿東南乃獨深乎三江之浦五嶺之麓五嶺頻
開及第花林芾南召棠羅蘿村文俊邦人指石說年華和風每憶甘
棠舍化雨先滋小草家家弟彌光他年百粵重開府我亦陳
情歸老圃願爾此石不入繁華場不作文字譜大書深
刻先生造人造士之勳名長與九曜輝千古石不能言
首當頰

宋仁圃招賞荷花

萬里薰風到客鄰
鄰家花事芰荷新
天涯何處無芳草
彼澤之陂有美人
楚水衣裳期後日
洛川環珮認前身
廿年待漏從頭憶
玉螭橋涼夜向晨

和春海學使橡繭歌

櫟楸之屬房生栳
有子曰橡黔南陬
昔聞葉可爲紺繭
又聞樹僅充薪槲
歲拾作糧誰其尤
矯矯李恂新關畱
遑遑摯虞鄠杜求
不聞飼蠶蠶有收
快哉博物使君郵
烏江之南爰咨諏
作歌告我紆織修
使其有用大蔽牛
我亟徧與守土謀
是時實落寒林秋
采以斗石多爲裒

散種十二府一州汝有一畝與一坵腴者汝儘爲田疇
瘠者可種不可醜自汝砢礪至于芄况有拱把生道周
汝先保之毋所鍊龍巖鳳山多絲綢機聲軋軋燈一篝
富勝千石千皮裘汝得其傳富則侔東風冲融吹林幽
其葉沃若如桑柔蟬蟬螟螟緣枝頭以枝接樹枝相摻
連枝疊葉紛螟蚰衆鳥眈伺聲嚆喁毆以竿幘戒鎗矛
所屬有請用鎗毆者止之蛹成乃割盈盆甌縑以苾汁絲頻抽蠶姑
蠶婦忙不休成紉成匹皆堪售不脛而走長通流不稅
其蠶防苛搜萬家萬樹同庇庥迴首蒼翠三年週戶戶

絲繡皇華輜亦或繭有同功不更將十法爲汝謳

種樹

種稻三時勞種橡一鋤力況土不宜禾礲瘠橡可植植
成葉泥泥用以供蠶食黔民勤且臞胡弗事紆織

窖繭

紆織夫何如始事窖秋繭寒來知屋深暖至知春淺雙
蛾起累卵瑟瑟復蛺蛺昨夜東風多枝頭新綠展

春放蠶

新綠復新綠忽忽今三年我有八育種汝有九春天借

汝一枝春引我萬絲纏枝上日漸高且莫驚蠶眠

秋放蠶

蠶眠又成繭秋事繼自今問我何所事秋蛾已滿林蛾
子下如雨風露相黏森千喙萬連蜷耽窺奈飢禽

毆蠹

飢禽復胡爲重以螽緝緝安能去之逃色斯舉不集我
欲衛其生豈必傷汝及春聲與秋影中有人獨立

移枝

獨立人再思葉盡防空枝就食但求飽守株難爲飢今

日碧雲合昨日碧雲離碧雲去復回相送老不知

煮繭

繭老絲始成繭熟絲始出以身殉其絲衣被及萬室我
繭一灰柔汝繭三爍密買絲人或來各念保素質

上機

素質豈不貴終日歌七襄大姑織鞋帔小姑織裙裳更
有機前人夜讀聲琅琅秋燈勿辭勞已免春來筐

利無竿

春筐何但免成繭勞逸判回視吳越蠶功倍而事半况

彼樹有實園收未貧歎肆者汝洗染禿者汝薪炭

永不稅

山炭與山蠶俱不入課則

聖恩寬邊隅重戒盡民力窪舍賦本輕微末何足殖寄

言循良吏慎勿擾作息

王武德尉父子死節歌四川守備王呈瑞入緬責貢死之或以降聞家被籍

孤宗祐被囚後得白宗祐襲官守備海升遊擊隨征教匪陣亡呈瑞葬蜀宗祐葬黔兩世死忠

可敬也

孤魂怒叫罡風起十載蒼涼緬江水江水江風寒澈天

天高九層照萬里孤魂有歸歸有子青燈幽園孤臣兒
鬼瞰其旁神護之一朝昭雪

褒世祿羽林十萬同涕洟教忠作忠足千古生報

君恩死見父

君恩如此何足酬但願熱血澆乾土轉戰荆秦更幾州
身經百創何所求奮臂大呼摧虬虬虬虬燿燿鼓聲死
仰天一劃將軍頭吁嗟乎是父是子真豪英西南兩塚
相枝撐故鬼起舞新鬼笑笑見黔蜀之民今太平

和宋仁圃畱別韻

越山黔水再相依各有鄉心草色知
曼倩市朝歸大隱
京師家少陵風雅憶多師
蒼茫春滿啼鵲地迢遞秋高肅
鵲時不獲畱君吾欲退故園人待采蘭詩

夜夢渡盤江鐵索橋醒爲春海學使述之春海曾
經此橋作歌因和其韻未知詩境相符否也

疎疎烟雨羣山橫山行稍見坡陁平何人送我屬尙慎
兩耳但聞風水聲道是盤江渦挽以雙鐵絙水立爲柱
雲爲根苔花綠紹黝且昏下瞰萬丈蛟鼉奔淩虛案戶
疑天漢我騎螭霓剛及半陡驚腳底波浪湧或是空中

鴝鵒亂心甫動星辰搖心再動山岳搖前望何岸魂迢
迢蘇公海濤韓公潮青冥浩蕩不可極請看我渡鐵索
橋鐵索橋忽以渡橋西官舍對江開日光微紅照春樹
迴頭何處紫鸞笙夢魂仍落黔東路

和春海重經白田韻四首

關塞迢遙播水西傷心天寶說雲泥桓山有鳥悲行路
楚國多蠅怨小妻海隔千重誰管鮑粟春一斗幾夷齊
樓船往事休重問只問春林睨睨啼

漫勞張垆構譏先魑魅窺人豈乞憐早識真王能贖命

謂郭汾陽

况逢幕府解招賢

謂宋若思

幾時玉壘銷羣祿半夜香

爐送謫仙送到歌羅花柳地好供杯酒一陶然

把酒題詩意氣雄依然星宿列心胸沈酣江月隨人至
顛顚山花或我容殿角蛾眉秋女扇天涯馬首夜郎鐘
白田蠶老絲垂熟看到南荒第幾峯

百樹桃花百鳥聲糟邱誰爲築樓成雲烟萬壑詩魂住
風雨千山筆陣行此地卽今畱勝跡才人終古誤虛名
君恩話到調羹事何日身歸五鳳城

秋農總憲詩謝五緯聯章潤筆和韻答之

烏府森沈藻思催隔年牋疊隔春來各懷日下人前度
遠話天南水一杯四牡篇中思集羽時欲歸省百花頭上祝
調梅五星昨夜光如炬何處相逢慰九回

寄題楊雪樾比部

慶孫

秋牕滌筆圖

秋色六千里相望到日邊有人心澹遠共此氣澄鮮竹
露浩如瀉桐風清更妍遙知持淨管日日吐雲烟

余藏王叔明仿董北苑秋山行旅卷臨贈春海學
使春海有詩和韻報之

世俗紛紛染藍赭不問水邊與林下南宗北派流餘波

但如曼衍各龍龕畢宏韋偃坏土冷賴有作者傳真影
五季風流得替人半幅江南第幾嶺使君來自江南道
凜凜神骨完且踦玉屏金竺通指顧白嶽黃山入襟抱
西閣棧雲寒南溯海潮早竭來持節徧黔中烟雲逾深
筆逾老我有一幅絹絡索麻皴奇有聲之畫無聲詩八
百年前董源法三百年後王蒙爲萬笏嵐光墮水瀨四
圍霜氣來山扉不知縹緲何處亭與埃豈我勞人將歷
之感君嗜芰爲君畫摩挲斷缺摹層碧愧入顧愷厨漫
云王宰石詩來徂夏秋以報待報天末懷歸旅人迹

既而招春海觀秋山行旅卷春海再疊前韻亦再

答之時春海移節楚南余乞假歸省殆將別矣

虛欄乍做秋有迹昨夜微霜到苔石風雲羈旅各何心
天地蒼茫空一碧坐客忽然感遠行起觀黃鶴秋山畫
秋心慘慄誰觸之草木乍變烟林扉老松蒼然磊砢夫
奚爲但見日哺谷口擔夫路霜寒驢背行人詩短亭有
客含笑坐笑此世途險阻山離奇我行萬里身未老頗
覺秋來鬢華早邇者爲君撫行看聊取盞寄寄幽抱而
君詩識符畫識又踏衡湘別莊躋我亦南歸粵海遙遙

遲他日懷周道祝君穩度辰陽嶺東行印此好山影愛
日方舒采節和春海奉母東行陽春遍煦青衿冷是時湘西獻
魚鼈洞庭遠溯江天波可憶歸來文若置膝下思君夜
話湘山赭

同懷弟彌光樸園編輯

子尙忠春卿

尙志任卿校字

石雲山人詩集卷十一止